

- Magdasal na ang bawat isa sa inyong grupo ay maging bukas sa paglilinis ng Diyos at sa paggawa ng Kanyang kalooban.

---

---

---

- Hilingin sa Banal na Espiritu na patuloy ka Niyang linisin at tulungan na lalong maging katulad ni Kristo.

---

---


---

- Humingi ng tulong sa Diyos na lalo mo pang gustuhin ang Kanyang presensiya at tulungan kang lagiang maglaan ng panahon sa pagbabasa at pagbubulay-bulay ng Kanyang Salita.

---

---

---



# STRONG

# Magsimulang Malakas

Week 2

[illegible]

- Kapag may mahalaga kang lakad, ano ang karaniwan mong ginagawa upang paghandaan ito?
- Anu-anong mga bagay ang iniipon mo dahil sa ito'y maganda, di pangkaraniwan, o may malaking halaga? Bakit mo ito gusto?
- Anong bagay o lugar ang gusto mong laging malinis? Papaano mo ito nagagawa?

## WORD

### WHAT

What does the Bible say?

Pagkatapos, sinabihan ni Josue ang mga tao, “Linisin n’yo ang inyong sarili dahil bukas gagawa sa inyo ang Panginoon ng mga kamangha-manghang bagay.”

Josue 3:5

Bago makipaglaban para sa Lupang Ipinangako simula sa Jerico, sinabihan ni Josue ang mga Israelitang linisin ang mga sarili. Ibang klaseng paghahanda ito para sa isang laban. Ang paglilinis sa Lumang Tipan ay ang paglalaan o paghihiwalay ng isang bagay sa mga marurumi upang maging karapat-dapat itong gamitin para sa Diyos. Pag-aralan natin kung bakit kailangan munang maglinis ang bayan ng Diyos.

- **May dahilan ang paglilinis.**

<sup>20</sup> . . . Ginagamit sa mahahalagang okasyon ang mga kasangkapang yari naman sa kahoy at putik ay sa pang-araw-araw na gamit. <sup>21</sup> Ang mga taong lumalayo sa kasamaan ay nabibiling sa mga kasangkapang ginagamit sa mahahalagang okasyon. Nakatalaga sila sa Panginoon, kapaki-pakinabang sa kanya, at laging handa sa lahat ng mabubuting gawain.

2 Timoteo 2:20,21

Nais ng Diyos na maging banal kayo . . .

1 Tesalonica 4:3

Ang paglilinis ay utos ng Diyos sa mga Israelita bago nila angkinin ang Lupang Ipinangako. Bilang isang bayan, kailangan nilang ilaan ang mga sarili sa kalooban ng Diyos upang di sila matalo ng mga kalaban. Tulad nila, kailangan din nating ilaan ang ating mga puso para sa kalooban ng Diyos upang makamit ang Kanyang mga pangako. Gaano mo kagustong matupad ang Kanyang kalooban sa buhay mo?

- **May proseso ang paglilinis.**

Kung nakakalinis ang mga ito, di lalo na ang dugo ni Cristo. Sa pamamagitan ng walang hanggang Banal na Espiritu, inialay ni Cristo ang sarili niya bilang handog na walang kapintasan sa Diyos. Ang dugo niya ang lilinis sa puso’t isipan natin para talikuran natin ang mga gawaing walang kabuluhan at paglingkuran ang Diyos na buhay.

Hebreo 9:14

Sinunod ng mga Israelita ang Diyos sa pamamagitan ng paghuhugas ng katawan at pagpapalit ng damit (Exodus 19:10,11). Dahil dito, sinamahan sila ng Diyos sa lahat ng laban. Gumawa Siya ng paraan kay Jesus upang malinis din tayo sa kasalanan. Kailangan lang nating pumayag sa Kanyang pagbabago sa atin. Papaano natin mas matutularan si Kristo sa ating pang-uugali at pamumuhay (1 Corinto 6:11, Juan 17:17, 1 Pedro 1:2)?

- **May gantimpala ang paglilinis.**

“Ngayon, malalaman n’yo na sumasainyo ang buhay na Diyos, dahil habang lumulusob kayo, itataboy niya papalayo sa inyo ang mga Cananeo, Heteo, Hiveo, Perezao, Girgaseo, Amoreo at mga Jebuseo.”

Josue 3:10

Sa paglinis ng kanilang mga sarili, sinamahan ng Diyos ang mga Israelita sa mga laban. Sa mga sumunod na pangyayari sa Aklat ng Josue, makikitang hanggat nanatili silang matapat sa Diyos, kasama nila ang Kanyang presensiya. Higit pa sa mga pagpapalang natatanggap, ang tunay na gantimpala natin ay ang presensiya ng Diyos sa ating buhay. Anong kabutihan ng nadudulot ng Kanyang presensiya?

### SO WHAT

What is the relevance of the Word to my life?

- Anong bahagi ng aral na ito ang totoong totoo sa iyo? Bakit?
- Gaano ka sumasang-ayon sa kalooban ng Diyos ngayon?
- Anong mga pag-uugali o pag-iisip ang sa tingin mo’y tinuturo ng Diyos na baguhin mo?

### NOW WHAT

How do I apply the Word to my life?

- Maglaan ng panahon upang makinig sa Diyos at hayaan Siyang siyasatin ang iyong puso kung meron mang mga bagay dito na hindi sang-ayon sa kalooban Niya. Ano ang magagawa mo ngayon upang hayaan Siyang linisin ka?
- Anong mga talento o kakayahan ang sa tingin mo’y sinasabi ng Diyos na ilaan mo para sa Kanya? Papaano mo Siya mapagsisilbihan sa pamamagitan ng mga ito?
- Anu-anong mga hakbang ang magagawa mo upang lalo ka pang manatili sa presensiya ng Diyos? Kailan mo masisimulan ito?